



KERATAN AKHBAR

SURAT KHABAR	:	SINAR HARIAN		
TARIKH	:	7/1/2020	MUKA SURAT	: 31
JABATAN	:	JPSM		
KLASIFIKASI	:	PERHATIAN		

Pertikai jawapan PKNP

SAM gesa Menteri Besar segera atasi isu penerokaan hutan Kledang Saiong

Oleh SAIFULLAH AHMAD

CHEMOR

Sahabat Alam Malaysia (SAM) menyambut baik bantahan yang dibuat penduduk Taman Chepor Sentosa berhubung penerokaan sebahagian hutan Kledang Saiong yang sudah dinyahwarta.

Penyelidik Lapangan SAM, Meor Razak Meor Abdul Rahman berkata, pihaknya bersama-sama pertubuhan bukan kerajaan (NGO) alam sekitar lain menyokong penuh usaha dilakukan penduduk untuk mempertahankan kawasan ini daripada diancam kemusnahan.

Menurutnya, penduduk taman perumahan telah mengadakan dua perbincangan dengan NGO alam sekitar yang membawa kepada penubuhan jawatankuasa bertindak menangani isu tersebut.

“Isu ini telah diketengahkan pada awal Disember lalu oleh SAM namun tidak mendapat maklum balas yang memuaskan hati daripada pihak berkuasa negeri. Kawasan ini asalnya Hutan Simpan Kekal Kledang Saiong tetapi telah dimansuhkan pada tahun 2010 dan diberikan kepada Perbadanan Kemajuan Negeri Perak (PKNP) untuk membangunkan kawasan pertanian.

“Apa yang mendukacitakan cadangan pembangunan tersebut bercanggah dengan pengisytiharan



Meor Razak menunjukkan kawasan Hutan Simpan Kledang Saiong yang sudah dinyahwarta untuk dibangunkan sebagai kawasan pertanian semalam.

tiaran Lembah Kinta sebagai kawasan Geopark Kebangsaan yang menetapkan mana-mana kawasan hutan yang belum diteroka perlu dipelihara,” katanya kepada pemberita di sini semalam.

Meor Razak berkata, pihaknya turut mempertikaikan jawapan PKNP menerusi kenyataan media mendakwa kerja-kerja pembersihan hutan tersebut mendapat kelulusan Laporan Penilaian Kesan Awal Kepada Alam Sekeliling (EIA) pada 2009.

Katanya, perkara itu bercanggah dengan syarat Jabatan Alam Sekitar bahawa kelulusan EIA hanya sah untuk tempoh dua tahun sahaja.

“PKNP seharusnya mendapatkan kelulusan EIA baharu bagi projek yang sedang diusahakan di hutan Kledang Saiong,” katanya.

Meor Razak turut menggesa Menteri Besar Perak, Datuk Seri Ahmad Faizal Azumu mengambil langkah segera untuk mengatasi isu tersebut.

Henti teroka hutan Kledang Saiong

Penduduk Taman Chepor Sentosa bantah penerokaan

Oleh SAIFULLAH AHMAD

CHEMOR

Penduduk Taman Chepor Sentosa di sini menyuarakan bantahan terhadap pihak yang memulaukan hutan Kledang Saiong untuk dibangunkan sebagai kawasan pertanian.

Program Kawasan Rakan Sejahtera (KRK) Taman Chepor Sentosa, Shamsul Kamar Ali berkata, bantahan tersebut dibuat kerana bantahan yang dibuat oleh penduduk setempat. Mereka mendesak kerajaan untuk menghentikan kerja-kerja penerokaan teroka hutan tersebut.



Kawasan penerokaan yang telah berkecuali dengan kawasan hutan simpan di Kledang Saiong.

Laporan Sinar Harian semalam.

“Alasan kerajaan bahawa projek tersebut diluluskan kerajaan terdahulu tidak boleh dijadikan lesen membenarkan penerokaan hutan tersebut kerana Menteri Besar mempunyai kuasa mewartakan semula kawasan itu,” katanya.

Sementara itu, Pejabat Menteri Besar Perak dalam maklum balas ringkas berhubung isu tersebut berkata, pihaknya akan melihat perkara tersebut.

Bagaimanapun, pihaknya menunggu kenyataan daripada PKNP mengenai isu yang dibangkitkan penduduk itu.